

Sþ.

446. Tillaga til þingsályktunar

um virkjun Þverár í Steingrímsfirði.

Flm.: Hermann Jónasson.

Alþingi ályktar að heimila ríkisstjórninni að ábyrgjast fyrir hönd rikissjóðs, gegn þeim tryggingum, sem ríkisstjórnin metur gildar, 800 þúsund króna lán, sem Hól mavíkurhreppur og nálægir hreppar taka til þess að virkja Þverá í Steingrímsfirði.

Greinargerð.

Á Hól mavík er nú mótorrafstöð. Rafmagnið er notað til ljósa á Hól mavík og til að reka allstórt hraðfrystihús þar í staðnum. Þó að mótorrafstöð pessi hafi verið aukin hvað eftir annað og til þess varið ærnu fé, er hún nú ófullnægjandi og því um two kosti að velja, að verja enn fjármunum til þess að auka mótorrafstöðina, sem þó verður ófullnægjandi, eða ráðast í að virkja Þverá, sem er örskammt frá Hól mavík. Mundi þá Hól mavík og nágrenni eiga kost á rafmagni ekki aðeins til ljósa og til að reka frystihúsið, heldur og til upphitunar o. fl., sem ekki verður kostur á frá mótorrafstöð.

Áætlun var gerð nokkru fyrir strið um virkjun Þverár eftir ýtarlega rannsókn og af mjög hæfum verkfæðingi. Pessi rannsókn og áætlun sýndi, að virkjun Þverár er ein hin hagstæðasta, sem völ er á hér á landi, og hefur svo oft verið til þess vitnað í sölum Alþingis, að óþarfst er að rekja það atriði í þessari greinar gerð. Má þess geta, að jafnan þegar ráðgert hefur verið að byggja sem stærstar aflstöðvar og leiða rafmagn þaðan til notkunar viðsvegar um landið, hefur verið ráð fyrir því gert að virkja Þverá og fella þá aflstöð inn í heildarkerfi, ef til kæmi. Ásæðan til þess er sú, að aðstæður til virkjunar Þverár eru með afbrigðum góðar, svo að til fádæma er talið.

Útreikningar þeir, sem gerðir hafa verið, og áætlanir voru þó aðallega miðaðir við 200 hestafla stöð. En nú er þörfin orðin það mikil vegna fólksfjölgunar í Hól mavík og aukinnar starfrækslu þar, sem og nauðsynjar þess að veita nálægum hreppum aðgang að notkun rafmagns, að ekki mundi ráðið í að virkja minna en 800 hestöfl, og er ábyrgðarheimildin miðuð við það. Samkvæmt fyrri rannsóknum verður virkjunin og mun ódýrari hlutfallslega, er aflstöðin er orðin af þeiri stærð. --- Að sjálfsögðu verður aflstöð þessi byggð þannig, að unnt verði að stækka hana með sem minnstum tilkostnaði.

Af framangreindum ástæðum tel ég mega vænta þess, að þingsályktunartillaga þessi fái greiða afgreiðslu á Alþingi.